

豫
章
賦
書
第二十九册

朝散集卷五

宋 孔平仲 桀父 著

律詩

熙寧四年中秋

月滿光尤好秋殷氣更清
類年苦陰雨此夜獨清明
後閣羅甥妹前堂合弟兄
團圓最相稱盡飲至深更

和舍弟送行往密州

一覽鳳凰句况當鴻雁秋雲山回倦首煙雨上扁舟
土俗京中陋官居學舍幽蓬萊醉中夢尋我海邊州

次韻和常父發越州

北堂相送出城西忍見臨分獨自歸日暮荒村一回
首秋風吹涕各沾衣水通鑑曲行將盡山似稽陰認
却非薄宦牽攀不得已此心何以報春暉

渡湖江未得

辭家已四日三日雨兼風海水飛天上江雲入坐中
愁腸寒更結歸夢濕難通未有淹留恨封圻尚湖東

西興

舟行頗濡滯累日驛前谿大雨翻盆益狂風作鼓鼙
兩潮空早晚一水限東西憶昔遊湖棹新晴傍會稽

懷越

城隍壓高峻樓觀抱青蒼東磴迎風細西池引步長

蓬萊山列畫清白水含香海內行幾半茲游最不忘

次韻和常父渡江寄經父

江風初息浪花低軋軋扁舟犯曉雞想得蓬萊秋睡
覺暖寒方索玉東西

新開湖

湖應與海接歲暮水猶多淨色平蒼野餘香積敗荷
舟行依累石堯起散圓波誰似漁翁樂鳴榔作楚謌

題清斯堂

河流與淮接於此一堂成水色已可愛主人心更清

魚潛曉日靜柳落秋空明本自無塵土何須歌濯樓

發山陽

黃昏飲官酒半夜解扁舟釣簾得清景風月滿淮流
天垂與波接野靜更煙浮深有乘槎興銀河或可求

送登州太守出城馬上作

匆匆送客出城闕霜意力高日漸曛青嶂依空先有
雪黃沙匝地半和雲旌旗明滅隨車遠鼓角悲涼隔
水聞正是無憊一回首兩行白馬映紅裙

呈夢錫節推林思永察推

崎嶇寒苦遠騰裝喜得高材共此方當以清談銷日

月更將和氣敵水霜堂前絳帳慙客迹幕下紅蓮幸
借香閒夕肯來相伴否小窗殘燭厭更長

適直劉從道供奉往信陽鎮用前韻送之

君馬匆匆赴信陽雖云同郡似他方村沙卷盡黃昏
日海水吹成半夜霜別恨不須青草色歸期當及小
桃香閑官冷局遙相望兩覺迢迢歲月長君約春中
還城

夢錫同遊賀圃題詩云誰知清淡者冬月亦登

臨

寒景峰嶺歲已深誰知清淡亦登臨雨吹廢館苔添
暈霜落空城樹減陰向晚旋留題葉句隔年先有探

花心相期紅藥濃開日一醉東風費萬金

新作書室夢錫示詩羨其清坐

新闢西垣小室成開編靜得古人情
嶧老栢寒尤健窮窓幽窗雪更明我愧溫巾居此地君能傾蓋似
平生篇詩何必深相美深水芙蓉豈不清

呈幕客

夜雨曉未歇清寒侵客顏
雲昏天帶海風閣地無山蓮幕君簿畫茅簷我閉關
新書正多事何幸擁爐閑

寄從道

相逢苦不早相別又忽忽
袒席侵華燭征車傍北風

車斜酬唱闋爾汝笑談空遙想支頤處孤村海霧中

晚晴見雪呈夢錫

東北風聲急西南日景斜
斷雲方散錦飛雨忽成花
見落初猶少量深久漸加遠
天明映玉晴地濕園沙浩蕩隨陰氣須臾變物華
清輝迷粉蝶寒色帶昏鴉
又是流年暮同居滄海涇寂寥求自遣小詠寄詩家

立春

春風不擇地亦到海邊城
袞袞衣冠會喧喧鼓吹迎
爲半一何苦舉世盡相爭
下客心偏靜停杯想耦耕

春雪

纏喜春風昨夜歸凌晨又見雪飄衣縫林似惜梅花
落撲地爭先柳絮和寒氣却退侵暖律陰雲徐上蔽
晴暉近來四序如無主欲向東皇問是非

正月十四夜

都人正行樂天氣忽微陰盡恐明朝雪如何此夕心
輪蹄迷道遠鼓吹亂更深我獨甘幽靜青燈照苦吟

十五夜

今宵好元夕去歲大豐年委巷通車馬高臺奏筦絃
燈光照人煖月色爲時圓此樂真難得無辭酒滿船

十六夜

明夜更無今夜燈都人爲此不勝情皆言隔歲期猶遠共約追歡直到明君飲露臺春易醉我眠孤館月同清東風亦有相撩意夢覺猶傳絃筦聲

春陽

春陽已出地冰雪尙嶧嶧半作泥塗濕尤妨車馬行溪流成小派海氣亂新晴涙鬱須披豁誰同上古城

古來

古來豪傑起太半在山東甚矣承平久蕭然武備空封疆瀕北狄士卒戍西戎器械恬兒戲城隍駭土功朝廷急掃敵草莽許輸忠尤恨天門遠無由半策通

次韻和常父

臥龍當日醉吟身今落天涯似旅人早夕思親增悽
望嘯歌懷古更悲辛角吹海上千山月草入江南萬
里春欲去尙留心未決夢魂長在越谿濱

赴官竝出江湖上講學聯居海岱中會合尤嗟別離
促音書何似笑言同黃鸝度曲爭催曉紅杏薰香半
倚風景物佳時憶相見恨無雙翅逐飛鴻

寄常父

感城未到已嘗聞文綵魚鹽市不貧千里山川齊故
地百年風俗舜遺民泉聲涓涓長如南海氣昏昏晚

得春北渚環波皆好景爲兄詩筆長精神

春色最佳呈夢錫

小雨初收物象新日華徐上氣氤氳欲知春色最佳處萬里青天無片雲

採遍名園花未紅高臺極目興何窮欲知春色最佳處盡在綠楊深淺中

紅日遲遲晝未央北窗高枕做羲皇欲知春色最佳處啼鳥一聲幽夢長

春閨六言

夢回紅玉孤枕日上珍珠半簾雲彩陰晴不定柳梢

濃淡相兼彌柱怨憑曲寄歌爐愁逐香添更倚危樓
目斷却訴東風淚沾

燕子舞開煙綠杜鵑啼破花紅滿地夕陽芳草有時
細雨斜風錦帳尙寒夢短彩牋雖遠情通淚痕染在
襟上愁緒織向機中

上巳

上巳陪游騎城南俯落暉溪山俱可愛花木自相依
佳節雖行樂他邦未得歸蘭亭應禊飲回首白雲飛

八日

花下飲餘留晚嚮溪邊行處把春衫東風作惡波微

起不得移舟滴水巖

登資聖閣

平時常仰望今日一登臨海岱封疆小乾坤氣象新
廢城增古意疊嶂起詩心遠目方馳騁春雲還自陰

寄常父

繚繞龍山半府陰春來漂泊阻登臨蓬萊闕下花多
少清曠亭前水淺深暮靄漫天迷望日東風絕海送
歸心新詩亦有思家意應憶當時共醉吟

行香

枕上杜鵑啼忽忽早起時出行天未曉月在杏花枝

次韻和昌齡落梅

玉搖繁艷蕙消香漸見園林綠葉光莫誚春風少情
思爲君開偏萬紅芳

登賀園高亭

東武名園數賀家更於高處望春華深紅淺白知多
少直到南山盡是花

戲促二幕客

晝眠呈夢錫

寄譜紅蓮幕當歌金縷衣採春曾有約今日已春歸
百忙之際一閑身更有高眠可詫君春入四支濃似

酒風吹孤夢亂如雲諸生弦誦何妨靜滿席圖書不
廢勤向晚欠伸徐出戶落花簾外自紛紛

初食祥舸菜

九仙山上祥舸菜幾日春風長綠苗有客提攜到深
巷自言采掇下青霄口嘗異味雖珍美目斷孤雲却
殺寥千里思親不獨飽慨然食罷一長謠

呈王子高殿丞

天上人間事不同相思何日却相逢芙蓉城在蓬萊
外海濶波深千萬重

接通判于邱氏園園人獻牡丹太守不收余私

取其絕好者以歸

醉暮歸來何所攜牡丹初翦半開時濃香盛色俱堪愛占得春風第一枝

兄長寄五詩依韻和寄詩各有所懷

憶昔西尋山下園芙蓉香裏醉頽然幽篁遊筭無餘地老木交陰不計年微幕旋迎秦望雨汎杯旁引鑑湖泉舊游寂寞今誰到應有秋苔長綠錢

懷西園

昔同訪客到山陰馬上相隨不廢吟平視溪流綠煙還回看府宅白雲深紛紛落塵階高論艷艷浮蛆勤滿斟賓主如今各分散詩成長詠作吳音

懷山陰館謂沈司封